

**Protocol no. 69**  
**Sezzüda da lündeschdi, 23 avuost 2010, 20.00 – 22.40**

**Preschaints:** Jon Carl Rauch; Chasper Alexander Felix, Georg Salomon,  
 Marianne Werro-Lehmann, Jachen Andri Schmidt e  
 Rico Zini (protocol)

**Protocol**

Il protocol no. 68 da la sezzüda dals 16 avuost 2010 vain approvà.

**617 021 FABRICA**  
**Ronald Jacobs – Divers müdamaints – Archas 194**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
 

- taxa da trattamaint, prov.			fr. 1'300.--
- taxa d'attach d'aua, prov.	1.5	%	fr. 19'500.--
- taxa d'attach chanalisaziun e sarinera, prov.	2.0	%	fr. 26'000.-- excl. ipv.
- taxa d'attach provedimaint electric, prov.	1.0	%	fr. 13'000.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Ils cuosts implü pel parair juridic van tenor art. 96 KRG a charg dal patrun da fabrica.
5. Las indicaziuns da la pulizia da fö sun part integrala dal permiss da fabrica.
6. La taxa directiva importa per las trais abitaziuns tenor ils plans inoltrats, prov. fr. 36'700.--. L'import definitiv vain erui in connex culla collaudaziun da fabrica.

**618 021 FABRICA**  
**Armon Taverna – Fabricat Sömme Bar – Niruns**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret no. 2010-0337 dal Chantun (BAB) es part integrala da quist permiss.
3. Taxa chantunala BAB: fr. 2'567.--
4. Taxa da trattamaint: fr. 200.--
5. Taxa da la pulizia da fö: fr. 200.--

**619 021 FABRICA**  
**Roland Staub – Müdamaint local da tecnica – Archas**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 100.--

**620 021**

**FABRICA**

**Georg Lutz de Aquino – Fouras geotermicas – Stron 261**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 100.--
3. Taxa chantunala da l'ANU: fr. 200.-

**621 012**

**EXECUTIVA**

**Model directiv**

Il Cussagl cumünal reveda il model directiv tenor la radunanza cumünala dals 16 gün 2010 seguaintamaing:

- Il model directiv vain tut pro mincha 5 ons per til reveder e per til elavurar tenor il bsögn actual.

Tenor il Cussagl cumünal dà il model directiv üna vasta direcziun ingio chi nu sun descrits ils detagls. Ils böts politics sun formulats i'l model abastanza. Detagls vegnan descrits in differents oters instrumaints da lavur pel Cussagl cumünal. Quia nu vezza il Cussagl cumünal ingün bsögn d'integrar ün chapitel cun böts politics.

La direcziun da metter grond pais ad ün consüm persistent e cun responsabilità da l'energia (cità d'energia) resta sco preschantada a la radunanza cumünala. Quist model nun es üna ledscha impegnativa, d'impersè muossa la via cha'l cumün fa quint dad ir. Las ledschas corespuondentas stuvaran a temp ütil gnir adattadas cun acconsentimaint da la populaziun. Per müdamaints da quella ha la populaziun adüna amo la pussibilità da decider. Il cumün voul ir cun bun exaimpel ouravant e sensibilisar tras quai la glieud da spargnar energia.

Pro la cultura vain amo integrà chi vain promovü sco fin uossa las societats culturalas.

Il Cussagl cumünal fa bun quista varianta dal model directiv per til laschar ir in votumaziun.

**622 860.318.04**

**Cità d'energia**

**Decisiuns dal Cussagl cumünal**

Il Cussagl cumünal decida da far ils seguaints pass in direcziun dal label "Cità d'energia":

1. Las investiziuns futuras in stabilimaints dal man public han da gnir executadas i'l standard d'edifizis 2008 dad Energie CH.
2. Ils criteris per l'aquist da material da büro e da veiculs cumünals vegnan fixats tenor ün catalog dad Energie CH.
3. Il böts politics in connex cull' energia vegnan descrits e fats bun dal Cussagl cumünal.
4. Il Cussagl cumünal fixa pel avegnir ün program d'activitats.

**624 300.365 Contribuziuns e donaziuns**  
**Bike Marathon**

Ils organisaturs dal Bike Marathon prevezzan per quist on ün deficit da fr. 37'000.--. Els fan perquai la dumonda per ün sustegn dals cumüns. Causa cha l'intent maina per la regiun turisticamaing üna pruna, decida il Cussagl cumünal da sustegner l'occurrentza cun fr. 500.--.

**625 810 ADMINISTRAZIUN FORESTALA**  
**Gruppa da god PEB**

Il schef da god orientescha cha nos silvicultur, Mario Riatsch, surpiglia nouv il presidi da la gruppa da god PEB. Sar Arnold Denoth vaiva fin uossa manà cun plaina satisfacziun quist post.

**626 4 SANDÀ**  
**Aboliziun da la restricziun dal dret da la dispensiun directa tras ils meidis**

La schefa da sandà orientescha in detagl sur da la consultaziun a regard il sböz per üna revisiun parziala da la ledscha da sandà dal chantun Grischun. Il Cussagl cumünal nu vezza ingün punct chi's stuvevess our da la vista dal cumün da Sent tour posiziun lasupra.

**627 3 CULTURA E TEMP LIBER**  
**Archiv cultural Engiadina Bassa**

La suprastanza dal Archiv cultural EB vulesvess avair da mincha cumün üna persuna da contact per pudair collavurar (che capita in cumün, chi pudess avair che, müdamans da chasas ... etc.) e per salvar documainta veglia. La suprastanza pensaiva vi da la persuna dal Cussagl cumünal ch'id es respunsabla per la cultura.

Il Cussagl cumünal elegia a Marianne Werro sco persuna da contact.

L'actuar: